

欽定大清會典事例

欽定大清會典事例卷四百八十九

禮部

喪禮

孝全成皇后大喪儀

孝全成皇后大喪儀。○道光二十年正月十一日。

孝全成皇后崩奉

諭。本日丑刻。皇后崩逝。迴思道光十三年奉

皇太后懿旨。晉封皇貴妃。攝六宮事。旋於十四年冊立  
皇后。正位中宮。先後事朕多年。恭儉柔嘉。壺儀足式。  
竊冀侍奉

慈闈。藉資內佐。遽爾長逝。痛何可言。著派惠親王綿愉

總管內務府大臣裕誠禮部尚書奎照工部尚書廖鴻荃總理喪儀其餘典禮著各該衙門察例辦理○是日具奏初喪事宜一初喪日。

皇帝摘冠纓穿青袍褂。

貴妃

妃

嬪等摘耳環首飾成服用白布。

皇子截髮辮成服。

皇子福晉剪髮成服。

皇后宮內女子內監剪髮截辮成服一內鑾儀衛設

儀駕於門外。工部設引幡於門右。設九鳳帳幔於  
兩旁。白綾帷幔於殿中。一親王以下。有頂戴官  
員以上。及三旗內務府官員等。均摘冠纓齊集。  
和碩親王福晉以下。鄉君奉恩將軍恭人以上。  
民公夫人以下。三品命婦以上。及三旗內務府  
命婦婦人等。均去首飾齊集。其  
內庭主位等均在

几筵前齊集。奉

旨。朕於本日起。摘冠纓。穿青袍褂十三日。○是日。行斂  
奠禮。所司陳設如儀。諸執事咸備。

宣宗成皇帝親臨視奠。至丹陛正中降輿哭。

皇子立丹陛東。

貴妃

妃

嬪公主

皇子福晉立

几筵殿內。王公以下。文武有頂戴官員以上。及三旗內務府官員等。於宮門外兩旁齊集。諸王福晉公夫人以下。二品命婦。鄉君。奉恩將軍。恭人。以上。於宮門內兩旁齊集。三旗內務府命婦。婦人等。

於階下兩旁齊集。皆傳哭。內務府大臣命婦率尚茶尚膳女官由中門入。尚茶女官跪進茶。恭奠於案。行一叩禮。

皇子以下皆北面跪叩。徹茶。尚膳女官揭巾幕。上食畢。執事官進奠几。

宣宗成皇帝詣奠位坐西嚮。內監跪進爵三奠。皇子以下皆行三叩禮。乃徹奠。哭止。

宣宗成皇帝乘輿還宮。衆各退。嗣是朝。晡日中三奠。朝晡進羹飯肴饌。日中進果筵。

皇子祭酒行禮。內外齊集均如儀。○又具奏治喪

事宜。服制日期。

皇帝穿青袍褂。十三日而除。

宮眷等隨除服。

親臨

几筵仍素服。九日內不辦事。兩月後

御門聽政。百日後常朝。

升殿鳴鐘鼓。照常作樂。大朝祀典均如常禮。

皇子喪服百日。百日後易素服。

几筵前仍喪服。

皇子福晉同。

皇后宮女子內監等亦百日除服。恭理喪儀王大厚

並

殯宮守衛執事官暨

皇后姻戚均百日除服。王以下奉恩將軍以上。民公  
侯伯以下有頂戴官員等以上。各給白布成服。  
罷斥及聞散宗室覺羅亦准成服。二十七日而  
除。親王福晉以下。鄉君奉恩將軍恭人以上。  
民公侯伯一品夫人以下。侍郎男夫人以上。及  
三旗內務府之命婦婦人等。咸成服。二十七日  
而除。外藩額駙王公台吉公主福晉郡主等



於服內來京者亦令成服。朝鮮國人員於服內來京者亦令成服。不必齊集。

登子官吏條

神殿執事官員男婦內監

壇

廟

奉先殿官員內監

陵寢官員內監。停給孝服。免摘冠纓。均百日不雜髮。出征將軍以下兵丁以上妻子。漢官命婦。皆停給孝服。軍營不摘冠纓。本家現有出痘及父母新

喪人等停給孝服。一王公官員等二十七日內  
喪服不嫁娶不作樂。百日內不薙髮入朝奏事。  
素服冠緞纓。值。

御門典禮。百日內常服不挂朝珠。百日後挂朝珠。有應  
行典禮及朝會坐班。百日內咸用禮服吉服。百  
日以外。期年以內。入朝奏事用常服。

升殿朝服。月朔逢五逢十補服挂朝珠。如詣

几筵前仍素服。摘冠纓。期年內停止燕會音樂。在京軍  
民人等。七日內男摘冠纓。女摘耳環。不嫁娶不  
作樂。一月後薙髮。其在京旗人。百日後薙髮。百

日內停止燕會音樂。扈從侍衛等百日後隨

駕詣

殯宮。素服摘冠纓。逾年隨往冠緋纓。十三日內。各衙門文移用藍印。奏疏仍用硃印。王公大臣等十三日內。朝晡二次奠獻。齊集舉哀。十三日後。每朝奠齊集一次。二十七日後停止。遇祭仍齊集。公主福晉以下男夫人以上。三日內每日二次齊集。第四日朝奠齊集。初祭後停止。遇祭仍齊集。內務府佐領內管領下官員護軍領催等之妻。三日內每日朝夕奠二次齊集舉哀。三日

後以一旗輪流齊集。自齊集日為始。王公各於府第齋宿。部院堂司官暨旗下都統以下各官。均於本衙門齋宿。凡二十七日。○又奉

旨。本日大行皇后崩逝。年班來京蒙古王貝勒貝子公等俱不必穿孝。○十二日

諭各部院等衙門政事殷煩。遇有應奏事件。若因在素服不辦事期內不行陳奏。勢必積壓。著各部院等衙門於一切應奏事件。仍隨時呈遞。毋稍稽遲。至引見各官。著於二月初七日後。各衙門照例帶領引見。○

十六日奉

旨。每遇親臨祭奠。著阿哥等在御座旁。○又奉

旨。每遇焚化冠服之期。著阿哥等隨至燎所奠酒行禮。

○又奉

旨。本月二十三日。奉移大行皇后梓宮。升小舉時。著四阿哥奠酒行禮。升大舉時。著五阿哥奠酒行禮。至觀德殿奉安時。著六阿哥奠酒行禮。○十七日。

冊諡

大行皇后曰

孝全皇后。○十九日。行殷奠禮。讀文致祭。陳設饌筵楮

幣如數。

宣宗成皇帝親臨視奠。

皇子以下內外齊集行禮送燎時。

皇子福晉祭酒行禮衆隨拜畢哀止各退。○二十一日行初祭禮陳設饌筵楮幣如數。

宣宗成皇帝親臨視奠獻茶上膳讀文齊集均如儀。○二十二日行啟奠禮陳設饌筵楮幣如數。

宣宗成皇帝親臨視奠內外齊集行禮如儀。○是日釋祭應用卓張羊酒楮錠等項即於行啟奠禮時一併陳設焚化。○二十三日。

梓宮由

長春園奉移

觀德殿

宣宗成皇帝親臨視奠。奉移禮儀與道光十三年同。○  
二十七日。行大祭禮。儀與初祭同。○二十八日。  
行繹祭禮。惟不讀文。不齊集。○三十日奉

旨。王公大臣官員等。著於二十七日後穿尋常袍青褂。  
○又奉

旨。四阿哥。五阿哥。六阿哥。著於百日後穿尋常袍褂。挂  
朝珠。至殯宮前仍服縞素。俟二十七箇月後縞素照  
例焚化。○又

諭本年十一月初九日亥時行孝全皇后奉安地宮禮。先期於十月二十七日卯時奉移至龍泉峪。所有一切應行事宜暨經過橋梁道路著各該衙門敬謹豫備。○二月初七日致祭。

社稷壇承祭及執事官員均

命前期一日薙髮。○十一日行初滿月禮。陳設饌筵楮幣如數。衆皆齊集。不讀文。

皇子奠酒行禮。

皇子福晉送至燎所祭酒行禮如儀。○二十八日。

恭值



孝全皇后誕辰。查照道光十三年五月十七日。

孝慎皇后誕辰。致祭成案辦理。○三月初四日。行清明

禮。陳設儀仗。羊酒卓張如數。衆皆齊集。不設

冠服。篋不讀文。不焚化楮錠。恭進佛花一座。

皇子詣

几筵前奠酒。行禮。衆隨行禮。○初十日卯時。

冊諡香絹

冊

寶書寫刊刻。○十一日。行二滿月禮。儀與初滿月同。○

二十二日卯時。

冊諡香絹

冊

寶填青○二十五日奉

旨○此次孟夏時饗

太廟進殿執事官員○著於三十日薙髮○四月初十日行  
常雩禮○初九日宿

壇齋戒是日進

壇門當差之王公大小官員○並一應執事人等○均著於  
初八日薙髮○又

諭本月二十八日○二十九日○各衙門齋戒官員○均著穿

紅青褂挂朝珠三十日閱視祝版均著穿補褂其不入齋戒各官仍照常穿青褂○四月初一日卯時

宣宗成皇帝御太和門

閱視

冊

寶午時行

冊諡禮初二日頒

詔布告天下○一應禮儀均與道光十三年同○初二日諭著於本月十九日起王公百官俱穿石青褂挂朝珠○十九日行百日禮儀與殷奠同○五月初三

日奉

旨。現在孝全皇后梓宮。暫安觀德殿。八旗官員人等。或因此不敢嫁娶。惟已逾百日之期。其有未經嫁娶者。著即照常舉行。○十八日。恭製。

升祔

奉先殿神牌。禮工二部堂官各一員。上香行禮。○六月二十一日。朝鮮國王遣使臣詣。

几筵前進香行禮如儀。是日節屆小暑。停止焚化楮錢。細布。俟立秋後。於行六滿月禮時。一併送燎。○七月十五日。行中元禮。陳設饌筵楮幣如數。讀。

文齊集行禮如儀。○九月二十五日奉

旨。本年十一月初三日。孝全皇后梓宮奉移至龍泉峪。次日行饗奠禮後。每日朝奠。著四阿哥五阿哥六阿哥輪班奠酒行禮。中晡二次設奠。著派姻戚大臣奠酒行禮。○二十六日奉

旨。本年十一月奉移孝全皇后梓宮至龍泉峪。所有在京文武各衙門堂官。除有執事各員照料派往外。其餘執事者。俱著毋庸派往。○十月初一日。孟冬致祭。儀仗全設。陳羊酒饌筵楮幣如數。齊集行禮。均如儀。日中晡奠照常。○二十四日。以二十七日

梓宮奉移。遣官告祭。

天

地

太廟後殿

奉先殿

社稷。○二十六日。行祖奠禮。儀仗全設。陳羊酒饌。筵楮幣如數。齊集之王公百官及公主福晉命婦等辨位集候。屆時。

宣宗成皇帝駕臨。升御座。

皇子以下內外齊集者。傳哭。獻茶。進膳。讀文。舉哀。

均如儀

宣宗成皇帝三奠爵

皇子以下皆行三叩禮止哀興

宣宗成皇帝還宮祭文

冠服篚由中門出

皇子跪候過興隨行送至燎所恭安畢。

皇子跪祭酒三爵每祭行一叩禮衆隨叩畢止哀

各退工部官豫將清明所供寶花一座請至楮

堆前一同焚化。二十七日。

梓宮由

觀德殿奉移至

龍泉峪。工部備八十人大昇舉於大門外。儀仗全設恭昇。

梓宮人等分二十班。每班八十人。備班八人。初班末班用校尉。餘用民夫。均穿駕衣。每班管轄官各四員。照看鑾儀衛官四員。指示進退。屆時。

皇子奠酒三爵。每奠行一叩禮。衆隨行禮。舉哀。禮部堂官內務府大臣恭奉。

冊

寶陳於綵亭內。校尉昇行。儀仗前導。恭理奉移事務。王



大臣等率校尉等進小昇舉。恭奉

梓宮啟行。

皇子西面跪哭。候過興隨行。

梓宮出大門外登大昇舉。

皇子奠酒三爵。每奠行一叩禮。興焚化楮錢。

皇子等在

梓宮前步行恭送。至二班處豫赴田卹恭候。王以下奉  
恩將軍以上內大臣侍衛及內務府官員於

景山東門外集候。民公侯伯以下滿漢三品大臣  
以上及聞散宗室覺羅於

景山後西旁東嚮集俟候

梓宮至跪迎舉哀候過隨行王福晉以下一二品大臣命婦並姻戚女眷俱在大門內右旁齊集內務府佐領管領下官員拜唐阿護軍領催等之妻在大臣命婦後齊集奉移奠酒時衆皆隨行禮恭理奉移事務王大臣禮部工部內務府堂司各官及姻戚人員帶班侍衛並派出總管太監等兩旁行走豹尾槍在後隨行其四品以下有頂戴官員以上及年老不能步行之大臣官員俱在關廂內齊集俟

梓宮至。皆跪舉哀。其不送往者。隨行至闕廂外排跪舉

哀俟

梓宮過各退。送往之王公大臣官員等隨行。俟

梓宮將至田卹。

皇子恭迎。

梓宮至大門外。登小舉。

皇子跪舉哀。王公大臣官員等排跪舉哀。

梓宮由中門入。

皇子隨入。王以下等官於大門外按班序立。恭理

奉移事務。王大臣率官校連小舉奉安。

梓宮於正殿。夫役俱出。

冊

寶安設於案。太監然點香。鐙奉安畢。供獻果卓。

皇子奠酒三爵。每奠行一叩禮。東隨行禮舉哀畢。

撤饌闔門。

梓宮前香盡時息燭。太監等退出。其守門之太監及坐更之太監。交與總管太監除派。正宮門派散秩大臣侍衛等直班看守。後牌樓門派三旗護軍統領護軍參領護軍等直班看守。其看守周圍堆撥及東西柵欄門。交前鋒統領護軍統領照

例辨理並安設激桶於圍牆內外每程

虛殿俱照此豫備沿途門橋內大臣奠酒內務府官揚  
撤楮錢○二十八日

祥宮由田部啟行用一百二十八人大昇輦登輦時  
皇子奠酒三爵每奠行一叩禮衆隨行禮舉哀

冊

寶奉安鳳輿內執儀仗校尉俱騎馬校尉昇

梓宮啟行焚化楮錢王公百官跪候過輿隨行

皇子恭送至換頭班處豫赴

蘆殿俟

梓宮至。在換末班處恭迎。王公百官等至換頭班處。換班畢。騎馬隨行。每班派太監六名。在

梓宮兩旁近處步下隨行。至換班時。王大臣等下馬照看。隨行之大臣官員太監均下馬跪候換班畢。仍上馬行走。

梓宮後執豹尾槍人員行走。次帶班侍衛行走。又次王公大臣官員行走。

梓宮將至

蘆殿。王公百官等在後門外排立跪接舉哀。

梓宮進

蘆殿內。

皇子隨入。王公百官等從黃布城兩旁牆外繞至大門前排立。執儀仗校尉下馬。設於大門外兩旁。

梓宮連大昇舉奉安於

蘆殿內。供獻果卓。

皇子奠酒三爵。每爵行一叩禮。衆隨行禮舉哀。起立徹饌。衆皆散。每日至

蘆殿時。

梓宮連大昇舉奉安陳設

冊

寶坐更守衛均如前儀○二十九日奉

旨。此次恭送孝全皇后梓宮之三品以下文武各官著於送到後並無執事者即於是日回京其無執事之兵丁夫役人等著原帶之員即行帶回至王大臣及派有執事之官員等俱著於差使完竣後即行回京不必隨扈行走○十一月初三日守護

龍泉峪之貝子公大臣官員等俱在神石山牌坊外跪迎舉哀候過隨行

梓宮將至



泰陵紅門。王公百官等俱下馬排立。  
靈駕北嚮暫停。

皇四子於道旁。遙嚮

祖陵。恭代行三跪九叩禮畢。恭奉

靈駕啟行。至

龍泉峪。

皇子俱恭迎。

梓宮至宮門外三孔橋邊。由大舉登小舉時。

皇子等豫至三孔橋跪迎。衆皆跪候。過興。

梓宮由中門入。暫停。候。

皇四子在

孝穆皇后神牌

孝慎皇后神牌前恭代行三跪九叩禮畢恭奉

孝全皇后梓宮奉安於

饗殿西間陳設帳幔香几五供卓恭設

冊

寶於兩旁供獻果卓一張

皇四子奠酒三爵每奠行一叩禮衆隨行禮舉哀

畢各退○遣官告祭

泰陵

秦東陵

昌陵

孝穆皇后

孝慎皇后寶城前並

后土

山神。○初四日。行饗奠禮。陳設饌筵楮幣如數。王  
以下。八八分公以上。及在

陵之貝子公大臣等在大門外月臺上。按翼排立。大學  
士內大臣姻戚人員侍衛等在月臺下排立。公  
侯伯以下大臣官員在東西兩配房前排立。均

尋常袍青褂。在

陵居住之貝子公夫人大臣官員命婦婦人等在殿外  
西牆角排立。屆時。

皇子由右門入。登右階。至殿外西旁立。舉哀。衆隨  
舉哀。獻茶進膳畢。

皇子詣奠案前跪。衆隨跪。止哀。讀文畢。復舉哀。  
皇子奠酒三爵。每奠行一叩禮。衆隨叩。止哀。興。徹  
奠几。

皇子退立於右。祭文

冠服篚由中門奉出。

皇子跪候過興隨行。衆皆於原排立處跪候過興。

祭文

冠服篚恭安於燎牀畢。

皇子跪衆隨跪舉哀。

皇子祭酒三爵。每祭行一叩禮。衆隨行禮畢止哀。興禮畢各退。所有行罩鳳輿鞦轡車帷等項俱同楮張焚化。車於空處任其朽爛。儀仗存留。候奉安前一日致祭時再行焚化。○初六日。以初九日。

梓宮永遠奉安遣官告祭。

天

地

太廟後殿

奉先殿

社稷。○初八日。行遷奠禮。儀與饗奠同。○是日。

宣宗成皇帝恭詣

泰陵

泰東陵

昌陵禮畢。至

龍泉峪。

親臨

孝穆皇后

孝慎皇后寶城奠酒後再詣

孝全皇后梓宮前西北東嚮坐。首領太監跪進爵。三奠。皇子等跪於

御座旁。每奠行一叩禮。舉哀。衆俱隨叩。奠畢哀止。興。

宣宗成皇帝乘輿還行宮。○初九日。

梓宮奉安

地宮。工部豫建

蓋殿於隧道丹陛上。設龍輜於

蓋殿內正中。丹陛前接造平臺。支搭餞橋。石牌樓門外

亦搭餞橋入

地宮隧道自丹陛至

寶牀前。俱合龍輜輪轂。鋪墊木板。成造木軌。

寶牀前亦造木牀。高同龍輜。

皇子詣

梓宮前奠酒三爵。每奠行一叩禮。東隨行禮舉哀。焚楮

錢

梓宮御龍輜。執事者奉輜由軌道入



地宮。太監執鐙前導。王大臣隨入。敬視永安於寶牀。恭設

冊

寶於左右石几上。執事者以龍輅木軌出。

宣宗成皇帝詣

梓宮前看視畢。至祭臺前升坐。首領太監跪進爵。三奠

每奠

皇子行一叩禮。舉哀禮畢。止哀興。

宣宗成皇帝還行宮。祭臺前行告成禮。

皇子奠酒三爵。每奠一叩。衆隨行禮。舉哀禮畢。道

官告祭

奉陵

泰東陵

昌陵並

后土

山神。○初九日寅時行題

主禮工部豫設題

主黃案一於

神牌案左安設黃緞枕褥。禮部堂官恭奉

神牌安放於題

主案倚供黃褥枕上行一跪三叩禮興派出題

主之滿漢大學士二員朝服詣

神牌案前行三跪九叩禮興敬謹於滿漢

神字空處用石青填點畢復行三跪九叩禮退禮部堂

官恭奉

神牌於正中案上行一跪三叩禮退○初十日承祭官

及

陵寢大臣執事陪祀各官俱朝服豫詣

饗殿大門外祇候執事官豫設

孝穆皇后神牌寶座於中。

孝慎皇后神牌寶座於左。

孝全皇后神牌寶座於右。恭請

孝穆皇后

孝慎皇后神牌依次安奉。贊引官引承祭官詣

孝全皇后神牌前。行一跪三叩禮。恭請

神牌由中門入。安奉於

寶座上。復行一跪三叩禮。興退。俟陳設畢。行大饗禮。各

官俱隨行禮如儀。禮畢。承祭官由右門出。恭請

神牌依次奉安暖閣。

神龕寶座上。行三叩禮。退。○二十四日奉

旨。明年正月十一日。孝全皇后初周年。著於龍泉峪皇  
后陵寢饗殿致祭。○十二月初九日卯時。

神牌升祔

奉先殿

詳見內務府  
升祔事例。

○二十一年正月十一日。行初

周年禮。

皇四子前往致祭。陳設饌筵楮幣如數供案。中添  
設

孝穆皇后

孝慎皇后湯飯匙箸各一分。在

陵之公大臣官員等。於大門外辨位排立。均尋常袍青

掛冠摘纓。在

陵居住之公夫人官員命婦婦人等於石橋北東嚮立。  
執事官恭請

孝穆皇后

孝慎皇后

孝全皇后神牌。依次供奉於各

寶座上。

皇四子由右門入。登右階。於檐下西旁東嚮立。舉  
哀。獻茶進膳。讀文奠酒送燎。均如常儀。○二十  
二年。正月十一日。行二周年禮儀。與初周年同。

○二月十六日

諭本年四月十一日。孝全皇后二十七箇月服滿。初九日行除服禮。著派四阿哥五阿哥六阿哥前往龍泉峪。皇后陵寢饗殿致祭行禮。○四月初九日。在

陵寢饗殿行釋服禮。讀文致祭。陳設饌筵楮幣如數。內

外齊集。

皇子縞素行禮。奠獻送燎儀。與初周年同。祭畢。

皇子釋服。內務府官俟焚化訖各退。○二十三年。

正月十一日。行三周年禮。

皇四子前往。

饗殿讀文致祭行禮。○三十年二月。恭加上

尊諡曰

孝全慈敬寬仁端愨符天篤聖成皇后。



欽定大清會典事例卷四百九十

禮部

喪禮

孝靜成皇后大喪儀

孝靜成皇后大喪儀。咸豐五年七月初九日。

康慈皇太后崩。

文宗顯皇帝截髮辮成服。

皇子

皇孫摘冠纓成服。

孝貞顯皇后剪髮成服。

妃

嬪以下暨

皇子福晉等俱摘耳環成服。

大行皇太后宮內女子內監尚茶尚膳男婦等均翦髮  
截辮成服。○行斂奠禮。鑿儀衛設

儀駕於門外。工部設引幡於門右。內務府設

几筵於殿中。陳九鳳黃幔於兩旁。前列供案。香盒鑪鐙  
具。王以下。入八分公以上。內大臣侍衛大學士  
等。在門外東旁。內務府三旗官員及領催拜唐  
阿等。在門外東牆下。未入八分公以下。官員以  
上。在東旁門外。內裏行走之福晉公主格格。在

殿內齊集。其餘公主福晉以下。鄉君八分公夫人以上。在門內西旁。未入八分公夫人以下。二品命婦兼男爵侍衛妻以上。在西旁門外。內務府三旗官員等妻。在侍衛妻後。各排立。

文宗顯皇帝立殿上東旁西嚮哭。

皇子

皇孫立丹陛西

皇后率

妃

嬪序立於黃幔內之西東嚮。

皇子福晉暨近支公主福晉夫人立於後。王公以下百官及福晉郡主以下命婦等傳哭。內務府大臣命婦率尚茶尚膳女官由中門入。

文宗顯皇帝入殿左門詣

几筵前跪。衆皆跪。尚茶女官跪進茶。內監奉茶轉進。

文宗顯皇帝舉茶奠於案。行一拜禮。衆皆隨行禮。尚茶女官徹茶。次尚膳女官進膳。揭巾幕。

文宗顯皇帝親上食畢。執事官進奠几於正中。

文宗顯皇帝詣

几筵前跪。奉爵大臣跪進爵。

文宗顯皇帝祭酒三爵。每祭一拜興。衆隨叩興。乃徹饌。哭止。

文宗顯皇帝還翼室。衆皆退。嗣是朝晡日中三奠。朝晡進羹飯肴饌。日中進果筵。內外齊集。均如儀。又奏治喪事宜。

皇帝二十七日内不辦事。如有緊要及軍務事件。照常辦理。二十七日内。

上諭用藍筆。各衙門題本文移用藍印。

皇后

妃

嬪以下。

皇子

皇孫及

皇子福晉以下均於二十七日大祭後釋服。一王

貝勒等為子者截辮。福晉等為子婦者翦髮。其

餘王以下奉恩將軍以上。民公侯伯以下。有頂

戴官員以上各給白布成服。罷斥及閒散宗室

覺羅亦准成服。閒散中年老年幼不能齊集者

停給孝布。公主福晉以下。鄉君奉恩將軍恭人

以上。民公夫人以下。二品命婦兼男爵侍衛妻

以上內務府三旗官員及執事人之妻俱摘耳環給白布成服。其漢官命婦停給。一王以下官員奉移前每日三次齊集。奉移後每早齊集一次。二十七日停止。公主福晉以下。二品夫人以上。三日內每日三次齊集。第四日每早齊集一次。初祭後停止。遇祭日均照常齊集。內務府三旗官員人等及妻奉移以前每日三次齊集。奉移後三旗分為三班。每日一旗二次齊集。大祭後分為六班。每日一班二次齊集。至百日止。婦女等齊集處。並設席棚青布步帳。一齋宿。王公

各於府第。部院官於本衙門。都統參領佐領及散秩官於本旗衙門。凡二十七日。以初喪日為始。外藩王等。每日齊集後各歸寓邸。外藩公主福晉額駙王台吉。服內至京者給白布成服。釋服後至京者。男去冠纓。女去耳環三日。以下文武官員及外藩台吉等。公主福晉暨大臣。命婦內務府官員。均於二十七日大祭後釋服。一恭理喪儀。王大臣並

殯宮守衛執事官。均百日除服。一王公文武大臣官員。二十七日内俱服縗素。皆百日不雜髮。二十七



日外至百日。用素服帽。綴纓緯。至

几筵前。仍摘纓緯。自百日外。至二十七月內。仍服青褂。袍色不拘。夏季帶緯帽。一專司。

壇

廟

堂子

奉先殿

壽皇殿祭

神殿各

陵寢官員內監人等。停給孝服。免摘冠纓。仍百日不雉

髮。出入。王公百官齊集時。由

東華門

西華門。公主福晉八分公夫人以上乘馬。餘俱  
步行。由

神武門。穿孝官員人等不得在

景運門

隆宗門穿走。至

乾清門

日精門

月華門

景和門

隆福門

基化門

端則門去

坤寧宮甚近。此等處太監俱不必摘纓。止穿素服。其餘各處穿孝太監准其出入。

內右門及

景運門

隆宗門行走俱不准由

乾清門經過。除

大行皇太后宮直班人員成服外。其餘已經成服守衛大臣侍衛官員護軍人等。二十七日内如遇紫禁城內直班之期。均素服摘冠纓。

乾清宮尚茶尚膳人員等。皆停給孝服。服素服摘冠纓。二十七日。外國二十七日內來京者。給布成服。免齊集。近派宗室。俟二十七月後舉行嫁娶。遠派宗室。以至覺羅。及三品以上滿漢大臣。俟期年後嫁娶。嫁娶日准其作樂。至尋常作樂燕會。仍俟二十七月後。四品以下滿漢官員。均於百日後舉行嫁娶。嫁娶日准其作樂。至

尋常作樂燕會。仍俟期年後。一出征軍營官兵家屬摘冠纓三日。免其成服。本人父母新喪家。有出痘者皆停給孝服。一在京軍民旗人等。男去冠纓。女去首飾。穿素服二十七日。百日不雜髮。百日後准嫁娶作樂。一直省官員。於

遺詔到日成服。早晚哭臨。凡三日。命婦去耳環首飾。素服均二十七日。以文到日為始。不雜髮。凡百日。以大事日為始。不作樂。不嫁娶。如在京官員例。督撫等官停止進香。在籍四品以上官。停止來京。滿漢軍民人等。一月不嫁娶。百日不作樂。○

又

諭。本日據王大臣合詞。籲懇節哀。請遵

皇考宣宗成皇帝成憲。著俯如所請。每日奠醑後。仍居  
養心殿。所有

大喪禮儀。著派恭親王奕訢。怡親王載垣。大學士裕誠。  
尚書麟魁。全慶。敬謹管理。○十一日

諭。朕恭讀

大行皇太后遺誥。

諭。朕持服二十七日而除。朕追懷

撫育深恩。何忍遽遵

遺命。特命王大臣等悉心會議。茲據惠親王綿愉及恭理喪儀王大臣等合詞。懇懇請酌遵舊典。於二十七日大祭後除服。朕心終有未安。惟仰體

大行皇太后謙抑之懷。矜恤之意。不得不稍從抑制。以示遵循。所有二十七日以外。百日以前。朕詣

几筵前。仍穿編素。在宮辦事及接見臣工。勉御青長袍褂。仍俟百日後再行除服。其百日以後。應穿服色。仍著惠親王恭理喪儀王大臣御前大臣軍機大臣會同禮部妥議具奏。○十三日。

命大學士九卿等恭擬

大行皇太后諡號。○十四日。派出和碩恭親王嫡福晉  
多羅瑞敏郡王福晉隱志郡王福晉貝勒奕諡  
夫人。在

几筵前。輪流奠酒。○又

諭。本月二十一日。奉移

大行皇太后梓宮於綺春園。朕即居住圓明園辦事。以  
便恭奠

几筵。用伸哀慕。○十五日。行中元禮。和碩親王以下。宗  
室覺羅官員以上。民公侯伯以下。文武有頂戴  
官員以上。公主福晉以下。二品命婦以上。各於



齊集處齊集。五鼓。內務府總管命婦率內管領  
妻奉

冠服。篚豫設於供牀。宮殿監侍導治喪儀。王大臣於  
几筵前陳果筵。設羊酒於幕內。列饌筵於門外左右。工  
部設祭文案於殿檻外之西。置奠几。陳燎牀於  
燎所。具楮幣。內鑾儀校陳儀仗。讀祝官奉祭文。  
禮部堂官二人前導。由中門入陳於案。

文宗顯皇帝詣

几筵前哭。內外齊集者傳哭。奠茶上食畢。哀止。讀祝官  
恭奉祭文。禮部堂官恭展祭文。讀文畢。舉哀。

文宗顯皇帝祭酒三爵。衆隨行禮。徹奠几。

文宗顯皇帝立於左。讀祝官恭奉祭文。禮部堂官前引。送至燎所。首領內監接奉安於燎牀。內務府命婦內管領妻奉

冠服篚出。

文宗顯皇帝跪。候過興。公主及在內福晉咸出隨行。王公百官退避。齊集之福晉命婦各於其位跪。候過興隨行。祭酒之王福晉行至燎所跪。衆皆跪。福晉祭酒三爵。每祭行一叩禮。衆隨叩跪哭。哀止興。各退。○十六日

諭前以

大行皇太后百日後。朕應用服色。諭令惠親王綿愉等會同禮部議奏。茲據集議具奏。自應仰體

大行皇太后慈愛之心。於百日除服。即照二十七月釋服禮舉行。惟

梓宮暫安綺春園。朕當仍御青褂尋常袍。俟奉移

山陵後。一切服色從吉。其未經奉移

山陵以前。所有

壇

廟祭祀齋戒以及朝會典禮服色。即照釋服後常例服

用。至臣工以下服色。著該部再行覈議具奏。○又諭。所有在京民人等。著准其一月後嫁娶作樂。仍百日不雜髮。並准其於百日後尋常燕會作樂。○十八日奏准。臣工服色。除百日內仍照原奏遵行外。百日後服青褂。袍色不拘。至

凡筵前。仍青褂。帽摘纓緯。凡遇祭祀齋戒執事人員。以及朝會各典禮。照例均用吉服。其朔望逢五逢十等日。用常服。挂朝珠。自奉移

山陵後。服色一切照常。○又奏准。百官嫁娶燕會期限。近派宗室。一年後准嫁娶。遠派宗室。覺羅。以及

滿漢大臣文武官員百日後准嫁娶。嫁娶日准作樂。至尋常燕會作樂均俟奉移。

山陵後其未及一年已屆奉移者尋常燕會作樂仍俟一年後在京兵丁旗人等即照民人例。一月後准其嫁娶作樂。百日後准其尋常燕會作樂。十九日行殷奠禮儀與中元同。又奏准恭頒遺詔由部恭鐫謄黃頒發各部院八旗衙門暨順天府等處其

盛京所屬各衙門及新疆等並各省城守尉等衙門暨各直省督撫等衙門俱交與兵部由驛頒

發。

遺詔至日。直省文武各官率紳士耆老摘纓素服出郊  
跪迎。至公署安設。行三跪九叩禮。跪聽宣讀畢。  
立舉哀。復行三跪九叩禮。文武官均成服。二十  
七日。三日內率紳士人等朝夕舉哀。命婦等亦  
穿素服二十七日。直省官應照奏准章程。百日  
後准嫁娶。嫁娶日准作樂。至尋常燕會作樂。俟  
奉到奉移。

山陵

諭旨後。直省軍民人等素服二十七日。一月內不嫁娶。

百日內不作樂。官員軍民人等。以大事之日為始。均百日不薙髮。其頒發朝鮮者。交與該國齋咨官齋回。該國王率羣臣素服恭迎。止鼓樂。至頒發琉球緬甸越南暹羅各國。交與各該督撫轉發。外藩蒙古諸部。交與理藩院照例辦理。○二十日。行啟奠禮儀。與殷奠同。○二十一日。添派吏部尚書翁心存恭理喪儀。○是日。奉移

梓宮於

綺春園之

迎暉殿暫安。工部豫備八十人大昇舉於

永康左門外儀仗全設。所有帳幔兩旁圍幔供牀。香案五供等物。豫行徹出送往。屆期。

文宗顯皇帝詣

梓宮前奠酒三爵畢。退至檻外東旁。恭理王大臣等帶領搭彩頭目校尉進小舉。昇請

梓宮出

永康左門。登大昇輦。禮部堂官奠酒三爵。焚化楮錢。大昇輦啟行。其

慈寧宮至暫安處分二十班。首末兩班用校尉。其餘用五城所選夫役。穿駕衣擡昇。每班各八十人。額



外各備八人。其換班接班行走。用槓頭四名。穿孝衣。擊響尺。派官各四員約束。派鑿儀衛官各二員。指引進退行走。擡引幡分為五班。每班三十二人。穿駕衣擡舁。每班各四人幫扶。所過門橋。內大臣奠酒三爵。焚化楮錢。自

西華門外。內務府官揚撒楮錢。擡拏黃緞套皮箱。卓鏡架銅盆蠅刷等物。選管領下人。亦分班於儀仗之中。仗馬之前。兩旁分翼排立行走。派管領四員。副管領二員。約束擡皮箱等物之人。

慈寧宮太監等由內送出。交與管領等官管理。

冊

寶交鑾儀衛安放於兩綵亭內。派校尉舁擡於曲柄織  
前排列行走。王以下。入八分公以上。蒙古王台  
吉等在

武英殿前齊集。嚮北跪迎舉哀。候過隨行。附近

梓宮行走之王公大臣等。令該衙門奏派辦事大臣內  
務府大臣禮部工部官員於兩旁附近照料行  
走。內大臣滿漢大學士侍衛等於

西華門外長街齊集。嚮東跪迎舉哀。候過隨行。未  
入八分公以下文武官員閒散宗室覺羅等的

量分班前路跪迎舉哀。俱候過隨行。內務府三旗官員。於紅橋南東嚮跪迎舉哀。候過隨行。內務府三旗佐領管領下拜。唐阿護軍領催於東櫺象木外。跪迎舉哀。候

梓宮進內。隨在百官宗室覺羅之末。排立舉哀。包衣管領下之護軍領催拜。唐阿之妻於

武英殿後北嚮跪舉哀。候過。即由

神武門出。開道前往三旗官員之次。排立舉哀。候過。各於齊集處排立。

梓宮後遠留空當。容

慈寧宮女子車輛行走。次後稍聞豹尾槍行走。次王以下奉恩將軍以上蒙古王以下。台吉以上。內大臣侍衛等行走。次民公侯伯以下。有頂戴官員行走。揚撒楮錢。擎臺蓋。擡舁皮箱等物人等。在指示地方站立舉哀。換班人等量其道路順便退下。跪送。

梓宮。候過在大臣侍衛後行走。內裏行走之公主福晉等。豫先前往。在

迎暉殿內齊集。公主和碩福晉以下。入八分公之夫人以上。豫先前往。在

綺春園宮門內西旁排立。未入八分公之夫人以下。兼男爵侍衛內務府三旗官員之妻以上。豫先前往。在西攬衆木外。齊集排立。

棹宮至。跪迎舉哀候過。王以下。入八分公以上。內大臣侍衛滿漢大學士在

綺春園宮門外東旁排立舉哀。內務府三旗官員護軍領催拜唐阿等在王公大臣侍衛之後。排立舉哀。未入八分公以下。有頂戴官員以上。在東攬衆木外。排立舉哀。執事大臣官員等進內奉安。

棹宮內務府大臣接受

冊

寶將

冊設於左。

寶設於右。皮箱等物。交

慈寧宮太監等擡入。帳幔香卓銀五供香几把蓮等物

照常陳設。

文宗顯皇帝祭酒三爵。每爵行一拜禮。衆隨行禮畢。楮

錢引幡一同焚化。

棹宮前每日然點香燭。交與

慈寧宮首領太監辦理。

綺春園宮門照例派散秩大臣侍衛等直宿。角門每門及圍牆派

圓明園八旗護軍參領護軍校護軍等看守。每日照常三時供獻。滿月以前每日兩次陳設儀仗。滿月致祭後儀仗停止。遇祭期照常陳設。三時供獻。親郡王等輪班奠酒。大祭前內務府三旗佐領下官員護軍領催拜唐阿男婦每日一旗輪流。三時供獻時。婦進內舉哀。男在外舉哀。大祭後內務府三旗官員護軍領催拜唐阿男婦

分為六班。每日三時供獻。每日一班輪流。婦進內舉哀。男在外舉哀。至念喇嘛經等事。交各該處照例備辦。○二十七日。行初祭禮。儀與殷奠同。○又

諭。禮部奏齋戒期內服色。援案請旨等語。八月初八日。社稷壇大祀。先期致齋三日。初五日尚在

大行皇太后大事二十七日期內。朕御素服。冠緞纓緯。帶齋戒牌。初六日大祭後。及初七初八日。朕俱御常服。戴緯帽。其省牲視牲及陪祀執事各員。初五日齋戒期內。均著素服。冠緞纓緯。初六日大祭後。及初七



初八日。均戴緯帽。常服不挂朝珠。其無執事人員。有赴園奏事當差。及在紫禁城內當差者。俱著照執事人員服色。○二十八日。行繹祭禮。惟不讀文。○又諭。昨據恭理喪儀王大臣奏。

大行皇太后梓宮擇吉於十月二十五日卯時奉移山陵。朕追憶

慈顏。哀愴靡極。允宜親送

梓宮。藉伸孺慕。是日朕親詣

几筵前奠酒。跪送後。即行啟鑾。其沿途

蘆殿跪送奠酒並告祭

各陵禮儀均照向例祇行。俟奉移

梓宮至暫安處禮畢回鑾。所有應行典禮並一切事宜。著各該衙門及直隸總督敬謹豫備。○八月初一日諭。十月二十五日。朕親送

大行皇太后梓宮奉移

山陵。據王大臣等合詞具奏。以直隸地方連年兵差絡繹。民力維艱。懇請停止親送。朕追念

慈恩。方以執紼相隨。藉伸哀慕。况事關典禮。何敢簡略儀文。惟念現在直隸地方撤兵未久。民困未蘇。若再以蹕路經行。重煩供億。於心實有不安。朕仰承

皇考付託之重。宵旰憂勞。無日不以愛民為念。今必拘循常禮。轉非所以上慰。

在天之靈。不得不兼權時勢。強抑哀思。勉從諸王大臣等所請。停止親送。所有一切禮儀。著恭親王奕訢前往恭代。屆期朕於綺春園大宮門跪送後。仍步行恭送至紅橋。所有應行典禮。各該衙門敬謹詳查酌覈具奏。○初六日。行大祭禮。儀與初祭同。○次日。繹祭。儀與初祭繹祭同。○初八日。

諭朕仰承

大行皇太后慈恩。覆庇禮極尊崇。

山陵大事。亟應敬諏吉壤。惟念

慕陵妃園寢為

皇考欽定位次。即為

大行皇太后靈爽所憑。自應恪守

成規。藉安

慈馭。謹將

慕陵妃園寢恭定為

慕東陵。此次奉移

大行皇太后梓宮。即暫安於

慕東陵正殿。○初九日。行初滿月禮。儀與初祭同。○又

諭。本日已舉行。

大行皇太后初滿月祭祀嗣後王公官員等服色均著照百日後之例。穿尋常袍青褂。並戴緯帽。其在京兵丁旗人等。前經禮部奏請照民人之例。於一月後嫁娶。兵丁旗人與軍民人等一月後既准嫁娶。並著一體雉髮。初十日。

諭。詳閱諸臣所奏。援引古禮。請於尊謚之下。不加。

廟謚。爰考會典所載。

太祖高皇帝三后。惟

孝慈高皇后配祔

太廟。

謚號稱高。是別殿奉祀。稱號宜殊。非惟前代之舊章。實本我朝之定制。今

明禋鉅典。朕不敢以感

息之故。稍越常經。

景鑠鴻名。朕何敢以盡孝之私。致踰定禮。自應俯如廷議。謹就

徽號康慈二字。合之恭上

尊謚。稱曰

孝靜康慈弼天撫聖皇后。庶幾體

謙沖之至德。億禩咸欽。展尊敬之微忱。宸瀛共諒。上儀  
允洽。茂典式符。所有應行典禮。該部敬稽成例具奏。

○十二日

諭恭上

尊謚之日。著派恭親王奕訢貝勒奕綜奉帛獻爵。禮成  
後遇有書寫

大行皇太后字樣。俱著敬謹書寫

孝靜康慈皇后。○十三日

諭前有旨

大行皇太后奉安

山陵禮成後恭奉

神牌黃輿還京。

升祔

奉先殿惟念

大行皇太后現諏吉於十月二十五日奉移

慕東陵距永遠奉安之期為時尚遠若必俟

神牌黃輿還京後始行

升祔典禮轉無以妥

先靈而伸敬禮所有



大行皇太后神牌。即著於綺春園敬謹製造。並著欽天監於十月二十五日以前。選擇吉期。敬謹

升祔

奉先殿。一切應行典禮。著該衙門查例具奏。○二十日巳時於

綺春園

東配殿內恭製

升祔

奉先殿神牌。禮工二部堂官各一員。前往上香行禮。

文宗顯皇帝前。期在園內齋戒。○二十五日

諭前據禮部奏遵議臣工服色並酌擬嫁娶燕會期限各等語當將原摺片留覽除百日內臣工服色及兵丁旗人嫁娶期限業經降旨遵行外其百日以後王公大臣文武官員均著穿常服不挂朝珠至

几筵前仍穿青袍褂帽摘纓緯凡遇祭祀齋戒執事人員以及朝會各典禮照例均用吉服所有本年十月二十二十五兩日仍用常服挂朝珠自奉移

山陵後服色一切照常至官員嫁娶期限無論近派宗室遠派宗室覺羅以及滿漢大臣文武官員均著於百日後准其嫁娶作樂俟奉移

山陵後。准其尋常燕會作樂。○九月初九日。行二滿月禮。儀與初滿月同。○二十二日。恭上

尊謚。執事大臣侍衛官員等均常服挂朝珠。於

太和門階下東邊序立。大學士二員自內閣恭奉香

冊香

寶。連匣。由中階上。安奉於各案上。自匣內請出。行一跪。三叩禮。退立於階下之左。鑾儀衛官豫設拜褥於門中。

文宗顯皇帝御常服挂朝珠乘輿。至

太和門北階降輿。禮部堂官導引。由太和門左門出。詣案前北嚮立。恭

閱

冊

寶畢。就拜位行三跪九拜禮。轉立東次。大學士二員詣

冊

寶案前。仍安於匣內。各行一跪三叩禮。興。恭奉

冊

寶由中階下。安奉於綵亭內。復行一跪三叩禮。興。禮部

堂官奏禮成。

文宗顯皇帝升輿由閒道回

圓鑾儀衛校尉由

太和門外昇綵亭。啟行時鑾儀衛執九鳳曲柄黃蓋一柄。執提鑪侍衛一對。派出前引官二員。同前引十大臣。並引導侍衛十對前行。領侍衛內大臣帶領侍衛班領執豹尾槍侍衛在綵亭後隨行。侍衛什長二員帶領侍衛五對。在豹尾槍兩翼行走奉

冊

寶大臣執事大臣官員在綵亭後隨行。無執事之內大

臣侍衛於

午門內金水橋北東旁跪送。王以下入八分公以上於

熙和門外按翼排立俟

冊

寶綵亭至俱跪。候過在後隨行。由

西華門出西直門。其未入八分公及民公侯伯以下滿漢文武大臣及四品以上官員豫往祇俟跪迎。綵亭至

綺春園大宮門外。黃蓋綵亭止。引導侍衛及執豹

尾槍侍衛等皆止。所有引導跟隨

冊

實之大臣侍衛官員執事人等至

綺春園大宮門外。俱素服帽摘纓緯。鑾儀衛官豫  
設儀仗於門外。

梓宮前。內務府官豫點香燭。供果品十二色。讀祝官豫  
奉祝版。安奉祝案上。屆時。大學士二員。禮部堂  
官二員。各詣綵亭前。行一跪三叩禮興。大學士  
恭奉香

冊香

寶。禮部堂官恭奉絹。

冊絹

寶。前引十大臣。暨前引官二人前引。奉香。

冊香

寶大臣在前。奉絹。

冊絹

寶大臣在後。入。

綺春園中門。由中路行至月臺階下。前引十大臣止。於階下排立。前引官二人。仍引至門外止。於檐下稍南排立。大學士禮部堂官恭奉香絹。



冊

寶入殿中門。並安奉於東旁案上。各行一跪三叩禮出。立於東西兩邊檐下稍南。武備院官豫設。

文宗顯皇帝拜褥於行禮處。

文宗顯皇帝更編素。大臣侍衛官員隨至。

大宮門外。俱素服冠摘纓。贊引對引各官引。

文宗顯皇帝從大門東門進。至拜褥前立。鴻臚寺官引和碩親王以下。入八分公以上。按翼由大門之東西兩門入。至二門內稍南。按翼排立。引未入八分公及民公侯伯以下。滿漢文武四品官員。

以上。在二門外。按翼排立。典儀官唱執事。官各司其事。贊引官奏就位。

文宗顯皇帝升拜褥上立。司香官奉香盒至香案前立。贊引官奏詣上香位。司香官豫跪。贊引官恭導。文宗顯皇帝至香案前立。贊引官奏跪。

文宗顯皇帝跪。司香官恭進香盒。

文宗顯皇帝接香盒拱舉。仍授司香官興。贊引官奏上香。

文宗顯皇帝三上瓣香畢。贊引官奏旋位。恭導。文宗顯皇帝行三跪九拜禮興。奏跪。

文宗顯皇帝跪。典儀官唱進

冊奉

冊大學士至

冊案前行一跪三叩禮興。恭請香

冊連箱跪進於左。

文宗顯皇帝受

冊拱獻畢。授左旁禮部堂官。禮部堂官跪接興。恭奉安

設於東邊几案上。行一跪三叩禮退。典儀官唱

進

寶奉

寶大學士至

寶案前行一跪三叩禮興。恭請香

寶連盞跪進於左。

文宗顯皇帝受

寶拱獻畢。授右旁禮部堂官。禮部堂官跪接興。恭奉安

設於西邊几案上。行一跪三叩禮退。典儀官唱

宣

冊宣

冊官詣東旁案前行一跪三叩禮。將絹

冊自匣奉出跪宣畢。典儀官唱宣

寶宣

寶官詣東旁案前行一跪三叩禮將絹

寶自匣奉出跪宣畢各盛入匣內包裹俱行一跪三叩

禮退贊引官奏拜興

文宗顯皇帝行三跪九拜禮衆皆隨行禮典儀官唱奠  
帛爵行初獻禮奉帛王自東旁案上奉帛匣跪  
安於正中香案上行三叩禮退獻爵王自東旁  
案上奉爵立獻於

几筵前供案正中退讀祝官詣祝案前行一跪三叩禮  
從案上奉祝文起詣

文宗顯皇帝左側跪贊引官奏跪。

文宗顯皇帝跪。衆皆跪。贊讀祝。讀畢。奉祝版恭安於帛匣內。三叩退。奏拜興。

文宗顯皇帝行三拜禮。衆皆隨行禮興。典儀官唱行亞獻禮。獻爵。王奉爵恭安於供案上之左退。唱行終獻禮。獻爵。王奉爵恭安於供案上之右退。贊引官奏跪拜興。

文宗顯皇帝行三跪九拜禮。衆皆隨行禮興。典儀官唱恭奉。

冊

寶祝帛。恭送燎位。宣

冊

寶官奉祝版。官奉帛手。至各案前跪。行三叩禮。恭奉

冊

寶祝帛興。由中門出。前引十大臣同派出。前引官仍前

引。送詣燎位。

文宗顯皇帝轉立東旁。太常寺官跪起拜褥。俟

冊

寶祝帛過畢。太常寺官仍跪鋪拜褥退。

文宗顯皇帝旋位立。鴻臚寺官引王公百官避於兩旁。

數帛官數帛。贊引官奏禮畢。同對引官引。

文宗顯皇帝至升輿處升輿還。

圓明園。衆按翼從東西兩門出。○十月初九日。行三滿月禮。儀與二滿月同。○十七日。行百日禮。並舉行釋服禮。讀文齊集如儀。○十九日。遣親王朝服恭代行題。

神主禮。鑿儀衛官陳儀仗於門外。設黃輿於

迎暉殿前階下。執事官於

几筵殿內正中。設黃案一。黃緞枕褥具。檻外設香燭黃

案一。屆吉時。派出奉



神牌之王朝服由

大宮門西門入。至

東配殿恭製

神牌處詣

神牌前上香。行一跪三叩禮興。啟櫝恭奉

神牌。禮部堂官二員朝服前引。至

几筵殿安奉

神牌於正中黃案。倚供黃褥枕上。上香。復行一跪三叩

禮興。退至檐下西旁立。派出題

主之滿漢大學士二員。朝服盥手。詣

神牌前行一跪三叩禮興。敬謹於滿漢

神字空處用石青填點畢起奉。

神牌於案上復行一跪三叩禮興。退。太常寺官朝服嚮  
上跪奏請

神牌升輿詣

奉先殿拊響。奏畢。行三叩禮興。退。奉

神牌之手詣

神牌前行一跪三叩禮興。恭奉

神牌出。至階下安奉於黃輿內。行一跪三叩禮興。退。避

西次校尉昇

神牌黃輿啟行。鑿儀衛執九鳳曲柄黃蓋一柄。大學士二員暨禮部堂官二員前導。前引十大臣並引導侍衛十對前行。領侍衛內大臣帶領侍衛班領執豹尾槍侍衛在。

神牌黃輿後隨行侍衛什長二員帶領侍衛五對。在豹尾槍兩翼行走。均蟒袍補服。至

大宮門。

神牌黃輿由中門出。大學士暨禮部堂官止立左右。奉神牌之玉由西門出。工部掾設黃幄於

誠肅門外。屆時王以下滿漢文武有頂戴官員以

上俱朝服在

東華門外按翼齊集恭俟

神牌黃輿至跪接候過興儀仗停止

御仗一對黃蓋一柄執提鑪侍衛一對前導恭奉

神牌之王蟒袍補服執事各官均蟒袍補服奉

神牌之王在

東華門內跪接候過興贊引對引各官恭導隨行

神牌黃輿至

誠肅門外黃輿止引導侍衛暨執豹尾槍侍衛等

皆止贊引官贊奉

孝靜康慈皇后神牌奉

神牌之王盥手畢詣

神牌黃輿前行一跪三叩禮興恭奉

神牌前引十大臣贊引對引各官前引由

誠肅門入至

奉先殿左門外

御仗黃蓋提鑪止前引十大臣贊引對引各官前

引由

奉先殿左門入乃行

升祔禮詳見內務府祀典翼日頌

詔布告天下。○二十二日。以二十五日

梓宮奉移

慕東陵饗殿暫安。遣官告祭

天

地

太廟後殿

奉先殿

社稷。○二十四日。行祖奠禮。讀文齊集。陳設饌筵楮幣  
均各如儀。○二十五日。奉移

梓宮於

慕東陵

饗殿暫安。五鼓。禮部堂官內務府大臣將

梓宮前陳設之香

冊香

寶請出。交與鑾儀衛安設鳳輿內。啟行時在曲柄繖後行走。八字牆帷幔等項。一併撤出。徑送

慕東陵饗殿。豫將

冊

寶案

寶牀香案銀五供等項請出。送至

蘆殿。工部豫設一百二十八人大昇舉於

綺春園大宮門外。儀仗全設。恭理喪儀。王大臣。禮部。工部。內務府。堂官。帶領搭綵頭目。校尉等。均衣駕衣。進小舉。屆時。

文宗顯皇帝詣

梓宮前哭。執事官進奠几。

文宗顯皇帝祭酒三爵。每祭行一拜禮。立於左。恭理喪儀。王大臣。禮部。工部。內務府。鑾儀衛。大臣。率執事官。校恭奉。

梓宮啟行。



文宗顯皇帝恭導

梓宮出

大宮門外登大昇輦。

文宗顯皇帝在東北隅西嚮跪。禮部堂官祭輦。奠酒三爵。每祭行一叩頭禮。焚化楮錢。儀仗步行前導。奉經之喇嘛於兩旁排列行走。內務府官揚撒楮錢。至以下。入八分公以上。大學士內大臣侍衛等在

大宮門外東邊齊集。未入八分公以下。有頂戴官員以上。閒散宗室覺羅及無執事之內務府官

員護軍領催拜唐阿等在東橫衆木外齊集。福晉公主等在內齊集。和碩福晉以下。八八分公夫人以上。在。

二宮門內西邊齊集。未入八分公夫人以下。二品命婦以上。在。

二宮門外西邊齊集。內務府佐領管領下官員護軍領催拜唐阿之妻。在命婦後齊集。均跪送舉哀。俟大昇舉啟行後。王福晉命婦等各散。

靈駕啟行時。

文宗顯皇帝興於。

靈駕左步行恭送。後扈人員隨行。

御前大臣侍衛近前行走人員亦隨行。遇換班時。

文宗顯皇帝跪。眾皆跪。俟

靈駕啟行。

文宗顯皇帝興。眾皆興隨行。

靈駕至紅橋。

文宗顯皇帝跪。眾皆跪。候

靈駕過。

文宗顯皇帝興。眾皆興。

文宗顯皇帝乘輿還。

圓明園。所有帶豹尾槍大臣章京等在

梓宮後稍閒行走。次侍衛排班稍閒行走。又次王公百官行走。將近第三班時。王公百官由別路先往。三班齊集處。跪迎候過。不送往者各散。其送往者乘馬隨行。唵經之喇嘛。於三班齊集處。另為一班。跪送各散。執儀仗校尉騎馬前導。

梓宮罩上加拴黃絨絡。所備轆套油單黃絨繩等項。俱令在近處行走。以備需用。每班應用夫役一百二十八名。頭班末班用校尉。沿途夫役分為六十班。每班多備夫役四名。用少卿以下堂官。科

道主事以上。民公侯伯以下。雲騎尉以上。八旗前鋒參領。護軍參領。副護軍參領。參領。副參領。上三旗頭等侍衛。下五旗王府長史頭等護衛。散騎郎等官。每班派押積官四員。照管。再派校尉四十名。均衣駕衣。每班四名。在大昇輦兩旁步行。遇夫役內有力不勝者。即行更換。其餘騎馬在儀仗前兩旁行走。豫備更替。搭綵頭目八人。輪擊響尺。每宿。

蘆殿圍牆內外。豫備汲桶八座。交步軍統領衙門備帶。每日清晨先期運到宿處。每程。

廬殿周圍。交與地方官多安水缸。滿盛清水。其黃布城  
正門。後門。網城周圍。並沿途守衛巡查。交領侍  
衛內大臣。前鋒統領。護軍統領。內務府大臣。照  
例辦理。派太監十人。輪流在大昇舉左右步行。  
近前行走之。王公官員及太監等。在大昇舉兩  
旁乘馬隨行。每換班時。俱下馬跪。恭理喪儀。王  
大臣內務府禮部工部鑾儀衛大臣。亦在大昇  
舉兩旁乘馬行走。每換班時。下馬照看。換班畢  
仍乘馬行走。內務府官沿途步行。揚撒楮錢。內  
大臣二員。所過門橋奠酒。至末班距

蘆殿不遠。王公百官豫由別路前往黃布城北門外按翼排立。

梓宮進

蘆殿後從黃布城牆外繞至大門前按翼排立。執

儀仗校尉下馬安設於大門前。恭昇

梓宮進

蘆殿連大昇舉奉安畢。所有香

冊香

寶。禮部堂官內務府大臣請出。恭安奉於

蘆殿內

棗宮兩旁案上。派太監等然點香燈。供獻果卓。行夕奠禮。遣官奠酒三爵。每奠行一叩禮。衆隨行禮。舉哀畢興。徹饌。衆皆散。徹儀仗。俟。

棗宮前香盡。太監等退出。與看守。

蘆殿前門之太監十名。共同守更。太監十名。在蘆殿後門看守。次日早。陳設儀仗。衆皆齊集。奉移。

棗宮時。遣官奠酒三爵。每奠行一叩禮。衆皆隨行禮。焚化楮錢。

棗宮出

蘆殿時。王大臣官員。按翼排跪。候過隨行。至第二班更。



換畢。仍騎馬隨行。香

冊香

寶。照舊安設鳳輿內。在曲柄繖後行走。每宿

蘆殿均如前儀。由

綺春園起至

慕東陵。沿途五十里之內。地方文武官員在道右百步  
外跪迎。舉哀。候過隨行。至宿處。在黃布城外叩  
謁。行三跪九叩禮。奠酒時。文官在東邊。班末武  
官在西邊。班末排立。隨行禮舉哀。

梓宮至

陵日除各

陵直班人員外。所有在

陵大臣官員等。俱於神石山牌坊外跪迎。

梓宮至。舉哀。候過。隨行。唵經之。

永福寺喇嘛於神石山牌坊外。另班跪迎。

梓宮至。在前兩旁排列行走。

梓宮將至元寶山南。王公大臣官員俱下馬排立。請大

昇舉北嚮暫停。候遣官於道旁遙嚮

祖陵。恭代行三跪九叩禮畢。再恭奉啟行。將近

慕陵。王公大臣等仍下馬排立。大昇舉暫停。候遣官於

道旁遙嚮

慕陵恭代行三跪九叩禮畢。再恭奉啟行。至慕東陵大門外橋南。升小舉。由中門入。安奉梓宮於

饗殿正中間。設八字牆帷幔。陳卓案。奉

冊

寶於兩旁案上。供果卓。遣官奠酒三爵。每奠行一叩禮。衆隨行禮畢。皆散。遣官告祭。

泰陵

泰東陵

昌陵

昌西陵

慕陵並

后土

山神。○十一月初一日。行饗奠禮。讀文齊集。陳設饌筵楮幣。均各如儀。○六年五月十一日。

孝靜康慈皇后誕辰。由守護

陵寢大臣穿青長袍褂帽摘纓上香。行三跪九叩禮。停止舉哀。○七月初九日。行初周年禮。儀與饗奠同。○七年

諭。本年四月二十日。

孝靜康慈皇后梓宮永遠奉安。朕當親詣

慕東陵恭送。

地宮。用伸哀慕。鉅典攸關。何敢稍從簡略。惟是上年近畿一帶蝗旱成災。閭閻情形拮据。正月間。即據軍機大臣彭蘊章等籲請恭照三年二月

孝和睿皇后奉安成例。因時變通。停止親詣。朕追念

慈微。愴懷靡已。而當此螻鴻遍野。若復以蹕路經行。重煩民力。於心實有未安。不得不強抑悲懷。勉從所請。所有

孝靜康慈皇后梓宮奉安大典。著派恭親王奕訢屆期前往代朕行禮。俟民力稍紓。再行躬詣。

山陵。虔伸誠悃。朕勤恤民隱。即以仰慰。

慈懷。不得已之苦衷。諒。

在天之靈。必當默鑒。一切應行事宜。著各該衙門直隸總督敬謹豫備。又。

諭。本月二十日。

孝靜康慈皇后奉安。

恭東陵。是日在京文武官員。均著穿常服。不挂朝珠。

四月十九日卯時。行遷奠禮。用楮錠三萬。楮錢。

三萬色楮三萬連飯卓二十五張羊七酒十五  
瓶儀仗全設恭理王大臣率太監及執事人等  
豫陳畫緞

冠服篚於供牀設祭文案於

隆恩殿內稍西供果卓於正中列羣卓於月堂兩旁反  
坵涼棚設於

隆恩門內東旁楮張設於橋前空處太常寺讀祝官  
豫奉祭文禮部官二員前引由

隆恩門中門入設於案親郡王等於丹陛兩旁王以  
下滿漢文武有頂戴官員以上及在

陵之大臣官員等於

隆恩門外齊集。按翼排立。在

陵居住之貝子公夫人大臣官員命婦婦人等在大門  
內殿西牆角排立。承祭王暨執事並行禮之王  
公大臣文武官員均着長袍褂冠摘纓緯。屆時  
行禮。儀與初周年致祭同。禮畢。楮錠暫停焚化。  
○未時。各官仍齊集。在

陵居住之貝子公夫人命婦婦人等豫入齊集。執事王  
大臣帶領執事人進徹几案五供等項。恭奉

梓宮昇小舉。承祭王詣殿檐下舉哀。內務府官進奠几



承祭王跪。祭酒三爵。每祭行一叩禮。興。衆舉哀。隨叩興。恭奉。

梓宮由中階下。循殿東行。至。

蘆殿奉安於正中。北嚮。龍輅上。徹小輦。解去應釋等項。梓宮鳳罩。俟奉入。

地宮時啟去。北嚮設几筵。派出之王恭奉。

冊

寶陳於案上。其

冊

寶案各一。豫由

陵寢工部官移請恭設。

陵寢官供果卓一張於正中。內務府官進奠几。執壺盞。

承祭王詣

梓宮前南嚮跪。祭酒三爵。每爵行一叩禮。興。衆隨叩興。鑾儀衛官率執事人等恭請儀仗至楮堆處。與應焚套罩等項。一同焚化。其奉入

地宮時啟去之。

梓宮鳳罩及遷奠禮後應行焚化各件。由各該處查明交與

陵寢大臣敬謹收存。遇祭焚化。申時。

梓宮奉安

地宮。禮成。行虞祭禮。工部內務府官於

隆恩殿內正中恭設

神牌寶座。前設供案。又前設香案。俱南嚮。再設一案於東旁。豫備安放尊爵帛匣。設祝案於西旁。讀祝官豫設祝文於案上。派出奉

神牌之王朝服於

東配殿行一跪三叩禮。恭奉

神牌進

饗殿安供於

寶座上。復行一跪三叩禮退。屆時承祭王暨執事陪祀各官咸朝服行禮。所有上香讀祝三獻送燎均如儀。禮畢各退。○同治元年四月初八日恭加上

尊謚曰

孝靜康慈懿昭端惠弼天撫聖成皇后。

升祔

太廟。○初九日午時。

慕東陵饗殿神牌漆飾改題。十三日巳時書寫埽青。由

陵寢大臣朝服上香。行三跪九叩禮。恭請還御。復行一跪三叩禮。

升拊

太廟神牌於十三日巳時漆飾。遣官告祭

奉先殿。○九月初一日巳時。王公大臣官員等均朝服

於

太廟街門內按翼排立。承祭王豫至改題

神牌處盥手上香。贊引官跪奏請

神牌升輿詣

太廟拊饗承祭王行一跪三叩禮。興恭奉

神牌跪安於黃輿內。行三叩禮興。校尉昇行前列。

御仗二對。黃蓋一柄。執提鑪侍衛一對。依次前導。  
至甑城門東門外。黃輿止。贊引官跪奏恭請。

神牌升柩

太廟乃行

升柩禮

詳見

升柩儀

翼日頌

詔布告天下。